

TARIKH: 22/7/23
SURAT KHABAR: Sinan Harizan
MUKA SURAT: 13

Imigresen buka pusat verifikasi RTK 2.0

PUTRAJAYA - Pusat se-
henti bagi proses verifi-
kasi Program Rekalibrasi
Tenaga Kerja (RTK) 2.0
akan dibuka di Ibu
Pejabat Jabatan
Imigresen (JIM) di sini
bermula 15 Ogos depan
bagi mempercepatkan
proses berkenaan.

Menteri Dalam
Negeri, Datuk Seri
Saifuddin Nasution Ismail
berkata, majikan dan pe-
kerja yang berdaftar bo-
leh hadir secara jumpa
terus (*walk-in*) di pusat
sehenti RTK 2.0 itu tanpa
perlu menunggu panggil-
an janji temu untuk hadir
membuat verifikasi.

"Pusat verifikasi ini
untuk memudah cara
urusan majikan yang
mendaftar serta memper-
cepatkan urusan proses
RTK 2.0. PLKS (pas
lawatan kerja sementara)
juga dapat dikeluarkan
dengan segera kepada
pekerja asing yang ter-
libat," katanya di sini
pada Jumaat.

Pada 10 Januari le-
pas, kerajaan mengumu-
mkan pelaksanaan RTK
2.0 dan mewujudkan
Pelan Kelonggaran
Penggajian Pekerja Asing
sebagai langkah me-
penuhi keperluan tenaga
kerja asing.

Dari 27 Januari hing-
ga 14 Julai lepas, Saifud-
din Nasution berkata,
program RTK 2.0 telah
menerima dan mendaftar
379,668 permohonan
melibatkan 51,753 maji-
kan dan 720,099 pekerja,

dengan 203,677 daripada
pekerja tersebut selesai
membuat verifikasi.

Menurutnya, pusat
verifikasi RTK 2.0 itu juga
akan dibuka di lokasi ter-
pilih di kawasan Lembah
Klang yang akan di-
umumkan kelak.

Saifuddin Nasution
turut mengumumkan
Pejabat Pasport
Cawangan Putrajaya
akan dibuka di pusat
beli-belah Shaftsbury
Putrajaya Mall di Presint
1 bagi mengurangkan
kesesakan terutamanya
pada waktu puncak di
Pejabat Pasport di Ibu
Pejabat JIM di Presint 2.

Bellau berkata, pe-
jabat pasport itu dijangka
dapat memberi ke-
mudahan kepada komu-
niti sekitar kawasan
Putrajaya seperti
Serdang, Sungai Besi,
Dengkil, Cyberjaya,
Bangi dan Cheras.

"(Pejabat) ini dalam
fasa akhir, dua atau tiga
bulan lagi (akan dibuka)...
sekarang dalam proses
ubah suai," ujarnya.

Katanya, JIM telah
mengeluarkan sejumlah
1,613,751 pasport di se-
luruh negara bagi tem-
poh 1 Januari hingga 30
Jun lepas.

Katanya, daripada
jumlah itu, pejabat pas-
port di ibu pejabat JIM
memproses permohonan
dan mengeluarkan se-
banyak 68,416 pasport
dengan purata permohon-
an dan pengeluaran 400
pasport sehari. - *Bernama*

Sinan Harizan
22/7/23
ms/13